



Број: 01/4-50-3-4-32/16  
Сарајево, 19.10.2016.

## Z A P I S N I K

### **32. sjednice Komisije za finansije i budžet Predstavničkog doma Parlamentarne skupštine BiH, održane 18.10.2016., od 12,15 do 14 sati.**

Sjednici Komisije prisustvovali su članovi: Predrag Kožul, Salko Sokolović, Nenad Lalić, Dušanka Majkić, Amir Fazlić, Mirsad Isaković, Jasmin Emrić i Damir Bećirović.

Opravdano je odsustvovala Aleksandra Pandurević.

Sjednici su, također, prisustvovali: Damir Arnaut, poslanik u Predstavničkom domu Parlamentarne skupštine BiH, Vjekoslav Bevanda, ministar, Sanja Jokić, sekretarka, Mario Živković, savjetnik ministra, Nataša Krsman, službenica za informiranje u Ministarstvu finansija i trezora BiH, Maja Ribar, politička savjetnica u EUSR BiH, Samir Mušović, savjetnik, Elma Muratović i Aleksandar Paleksić, saradnici Projekta USAID-SGIP, Nejra Neimarlija-Roić, saradnica u Institutu za razvoj mladih KULT, Nenad Pandurević, sekretar Komisije za vanjsku i trgovinsku politiku, carine, saobraćaj i komunikacije Doma naroda PSBiH, Dragana Ćirić, savjetnica u Uredu sekretara Komisije za finansije i budžet Doma naroda PSBiH, Aida Kreho, stručna savjetnica za zakonodavno-pravna pitanja i pravo EU u Zakonodavno-pravnom sektoru Sekretarijata PSBiH, Zoran Žuža, šef Odjela za informiranje Sektora za odnose s javnošću Sekretarijata PSBiH, Vlade Srdanović, stručni saradnik, te Željko Kosmajac, sekretar Komisije.

Sjednici su prisustvovali i predstavnici medija: Snježana Jovanović, novinarka ATV-a, Davor Štapić, novinar BH Radija1, Ognjen Begović, novinar SRNA-e, Semira Degirmendžić, novinarka Dnevnog avaza, i Aida Kovač, novinarka FENA-e.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

## DNEVNI RED

1. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – druga komisijska faza (predlagač: poslanik Damir Arnaut);
2. Razmatranje Prijedloga zakona o izmjenama i dopunama Zakona o akcizama u Bosni i Hercegovini – prva komisijska faza (predlagač: Vijeće ministara BiH);

3. Razmatranje Prijedloga zakona o izmjeni Zakona o sistemu indirektnog oporezivanja u Bosni i Hercegovini – prva komisijska faza (predlagač: Vijeće ministara BiH);
4. Razmatranje Prijedloga zakona o izmjenama i dopuni Zakona o uplatama na jedinstveni račun i raspodjeli prihoda – prva komisijska faza (predlagač: Vijeće ministara BiH).

Predsjedavajući je na molbu ministra finansija Vjekoslava Bevande predložio članovima Komisije da zbog neodgovornih obaveza ministra Komisija prioriteto razmatra prijedloge zakona za koje su neophodni stavovi Ministarstva finansija i trezora BiH kao ovlaštenog predlagača na način da tačka 1. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – druga komisijska faza (predlagač: poslanik Damir Arnaut) postaje tačka 4. dnevnog reda, a tačka 2. Razmatranje Prijedloga zakona o izmjenama i dopunama Zakona o akcizama u Bosni i Hercegovini – prva komisijska faza (predlagač: Vijeće ministara BiH) postaje tačka 1. dnevnog reda 32. sjednice Komisije.

Kako nije bilo drugih izmjena predloženog dnevnog reda, predsjedavajući Komisije zatražio je da se o iznesenom zahtjevu izjasne članovi Komisije, te konstatirao da je zahtjev jednoglasno prihvaćen.

Zatim je zatražio da se članovi Komisije izjasne o izmijenjenom dnevnom redu, te konstatirao da je jednoglasno usvojen sljedeći:

#### **DNEVNI RED**

1. Razmatranje Prijedloga zakona o izmjenama i dopunama Zakona o akcizama u Bosni i Hercegovini – prva komisijska faza (predlagač: Vijeće ministara BiH);
2. Razmatranje Prijedloga zakona o izmjeni Zakona o sistemu indirektnog oporezivanja u Bosni i Hercegovini – prva komisijska faza (predlagač: Vijeće ministara BiH);
3. Razmatranje Prijedloga zakona o izmjenama i dopuni Zakona o uplatama na jedinstveni račun i raspodjeli prihoda – prva komisijska faza (predlagač: Vijeće ministara BiH);
4. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – druga komisijska faza (predlagač: poslanik Damir Arnaut).

Na prijedlog predsjedavajućeg Komisija je jednoglasno objedinila raspravu o tačkama 1., 2. i 3. dnevnog reda 32. sjednice Komisije za finansije i budžet Predstavničkog doma PSBiH.

**Ad.1. Razmatranje Prijedloga zakona o izmjenama i dopunama Zakona o akcizama u Bosni i Hercegovini – prva komisijska faza (predlagač: Vijeće ministara BiH)**

**Ad.2. Razmatranje Prijedloga zakona o izmjeni Zakona o sistemu indirektnog oporezivanja u Bosni i Hercegovini – prva komisijska faza (predlagač: Vijeće ministara BiH)**

### **Ad.3. Razmatranje Prijedloga zakona o izmjenama i dopuni Zakona o uplatama na jedinstveni račun i raspodjeli prihoda – prva komisijska faza (predlagač: Vijeće ministara BiH)**

Ministar finansija i trezora BiH Vjekoslav Bevanda obrazložio je Prijedlog zakona o izmjenama i dopunama Zakona o akcizama u Bosni i Hercegovini, Prijedlog zakona o izmjeni Zakona o sistemu indirektnog oporezivanja u Bosni i Hercegovini i Prijedlog zakona o izmjenama i dopuni Zakona o uplatama na jedinstveni račun i raspodjeli prihoda.

Potom je predsjedavajući otvorio raspravu u kojoj su učestvovali: Dušanka Majkić, Amir Fazlić, Damir Bećirović, Jasmin Emrić, Salko Sokolović i Vjekoslav Bevanda, ministar finansija i trezora BiH.

Nakon rasprave, Komisija, s tri glasa “za” i pet glasova “protiv”, nije prihvatila principe Prijedloga zakona o izmjenama i dopunama Zakona o akcizama u Bosni i Hercegovini, te je predložila Domu da ih ne usvoji iz sljedećih razloga:

Dostavljeni Prijedlog zakona o izmjenama i dopunama Zakona o akcizama u Bosni i Hercegovini nije usklađen s tekstom Prijedloga zakona koji je usvojio Upravni odbor Uprave za indirektno oporezivanje BiH na 8. sjednici, održanoj 16.2.2016., i podržao na 12. sjednici, održanoj 2.9.2016.

Također, usvajanje Prijedloga zakona imalo bi negativne efekte na privredu i standard građana BiH.

Komisija, s tri glasa “za” i pet glasova “protiv”, nije prihvatila principe Prijedloga zakona o izmjeni Zakona o sistemu indirektnog oporezivanja u Bosni i Hercegovini, te je predložila Domu da ih ne usvoji iz sljedećih razloga:

Dostavljeni Prijedlog zakona o izmjenama i dopunama Zakona o akcizama u Bosni i Hercegovini nije usklađen s tekstom Prijedloga zakona koji je usvojio Upravni odbor Uprave za indirektno oporezivanje BiH na 8. sjednici, održanoj 16.2.2016., i podržao na 12. sjednici, održanoj 2.9.2016.

Također, usvajanje Prijedloga zakona imalo bi negativne efekte na privredu i standard građana BiH.

Komisija, s tri glasa “za” i pet glasova “protiv”, nije prihvatila principe Prijedloga zakona o izmjenama i dopuni Zakona o uplatama na jedinstveni račun i raspodjeli prihoda, te je predložila Domu da ih ne usvoji iz sljedećih razloga:

Dostavljeni Prijedlog zakona o izmjenama i dopunama Zakona o akcizama u Bosni i Hercegovini nije usklađen s tekstom Prijedloga zakona koji je usvojio Upravni odbor Uprave za indirektno oporezivanje BiH na 8. sjednici, održanoj 16.2.2016., i podržao na 12. sjednici, održanoj 2.9.2016.

Također, usvajanje Prijedloga zakona imalo bi negativne efekte na privredu i standard građana BiH.

**Ad.4. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – druga komisijska faza (predlagač: poslanik Damir Arnaut)**

U uvodnim napomenama predsjedavajući Komisije istakao je da je Predstavnički dom na 35. sjednici, održanoj 30.8.2016., razmatrao i usvojio Prijedlog zakona u prvom čitanju, te da je na sjednici Komisije, u skladu s Poslovníkom, na Prijedlog zakona amandman uložio poslanik Predrag Kožul.

Prijedlog zakona o izmjeni Zakona o plaćama i naknadama obrazložio je poslanik Damir Arnaut.

Potom je predsjedavajući otvorio raspravu u kojoj su učestvovali: Predrag Kožul, Dušanka Majkić, Damir Bećirović i Damir Arnaut, poslanik u Predstavničkom domu PSBiH.

Nakon rasprave, Komisija je, sa sedam glasova „za“ i jednim glasom „suzdržan“, usvojila sljedeći zaključak:

„Komisija za finansije i budžet Predstavničkog doma Parlamentarne skupštine BiH odgađa izjašnjavanje o Prijedlogu zakona o izmjeni Zakona o plaćama i naknadama u institucijama Bosne i Hercegovine u drugoj komisijskoj fazi, s ciljem dodatnih konsultacija u vezi s predloženim amandmanom poslanika Predraga Kožula na Prijedlog zakona.“

**Ad.5. Tekuća pitanja**

Predsjedavajući Komisije upoznao je članove o pozivu za prisustvo seminaru u organizaciji Revizorskog suda Republike Turske, 8. i 9. novembra 2016. godine u Ankari.

**Sekretar Komisije**

Željko Kosmajac

**Predsjedavajući Komisije**

Predrag Kožul